

Zulluyekalo san 2013

San 41nan

Boko 498nan

Songo = Dorème 35

# KIBARU

Kunnafonisèben bòta kalo o kalo - BP : 24 - Téléphone : 20 21 21 04 Kibaru bugufiye Bosola Bamako

San 2013  
hijidenw taali  
Makan

je 3

## Nemogoyanini kanpani ye soro kewaati do ye

Malidenw ye dögökun saba ke jamanakuntigisigikalata kanpani na. Jateminenaw y'a jira ko san 2013 kalata wulikajo bonya be sanga san 1992 jamanakuntigisigikalata ma.

Politikimogow ka wulikajow konona na, jagokelaw, bololabaarakelaw ani nénajekelaw b'u ta soro. Cakeda minnu be fotow ni lagamunikanw labugun, olu folo de be soro datige kanpaniw senfe. N'o ye minnu be fotow ni sèben norotaw dilan, sèben kologelen minnu be dulon dulokiw disidaw ni kanw na, tirikoninw ani dowerew. Otirkow sèbenbalifontant nisèbenfuraw be sanjagokelaw bolo. Sèbennikelaw ni nègenkelaw b'u ta soro a baaraw kono. Mogo o mogo be nemogoyanini na o wajibiyalen don ka se u ma walasa u k'fo i ka lakodon ani ka mankutuw sèben i kan. Kanpani y'a damana sorsira ye jamana kono. Jagokela caman y'a nafa bo. Tirikofeerelaw ni balofeerelaw, nin bee y'a tègènènmu jamanakuntigisigikalata in senfe.


A nemogoyaninina dòw ye angere toni caman san ka di sènèkoyor dòw mogow ma; deme caman taara di misiriw la; tobilikemin caman dira musoékuluw ma ka fara sigilanw ni tiribini basiw kan.

Mobiliw be mogo minnu bolo n'u b'u luwanze, a kera olu fana ka dugi jelen ye. Kèrenkerennenya la mobili suguya minnu be wele katikati (4x4) olu tigiw y'u diya kosebe. Döñkilidalaw, animateriw ani lajekyelor la dantigelikelaw bee ye kanpani in diya fo. Esanzifeerelaw kerebete. olu y'a jira k'u ma kòlòkolo esanzi feere nin kanpani in na. Hali nafenfeerelaw bee ko wasa soro sannifeere sira fe. Kasoro ni nemogoyanini kanpani te, samiyé fe sanni te an ka suguw kono. Nka kanpani ma diya bee la de. Finidilanyor ko sannikela ma se olu ma nin sen in na. Kasoro kòrènna taafesaba caman tun be san politikimogow fe ka di mogow ma k'a nini olu fe u ka wote u ye. A dòw yere tun be u ka pariti togolafini dilanni nini finidilan iziniw fe. Finidilanyor Batekisi ko politikiton fila dòron de sera ale ma jamanakuntigisigikalata in kanpani nèkoro. N'o te ale ma sannikela wère ye. Dusu Jire Dokala Yusufu Jara

## Jamanakuntigisigikalata jaabi kun folo dafalen

Mogo hake min togo sèbennna kalatasèben kan o ye 6.829.696 ye, hake min wotera olu la o kera mogo 3.520.242 ye; mogo 403.532 ka wote kécogo ma ne, olu ma jate; minnu ta kécogo jena n'olu jatera o kera mogo 3.116.710 ye.

- Sumayila Sise, mogo 605.901 = 19,44%
- Ibarayimu Bokari Keyita, mogo 1.222.657 = 39,04%
- Jamili Bitari, mogo 54.350 = 1,74%
- Huseyini Gindo, mogo 144.336 = 4,63%
- Musa Mara, mogo 46.869 = 1,50%
- Seki Mohamed Abudulayi Suwadu n'a be wele Modibo Jara, mogo 64.829 = 2,08%
- Mamadu Bakari Sangare n'a be wele Bilezi, mogo 32.951 = 1,06%
- Modibo Sidibe, mogo 151.801 = 4,87%
- Daramani Danbèle, mogo 298.748 = 9,59%
- Umaru Buri Ture, mogo 16.022 = 0,51%
- Madamu Hayidara Ayisata, Alasani Sise, mogo 23.622 = 0,76%
- Umaru Mariko, mogo 76.706 = 2,40%
- Alihuseyini Mayiga, mogo 8.571 = 0,28%
- Yusufu Sise, mogo 12.859 = 0,41%
- Muntaga Tali, mogo 47.405 = 1,52%
- Siyaka Jara, mogo 14.749 = 0,47
- Sogeli Kokala Mayiga, mogo 71.458 = 2,29%



Koloneli Musa Sinko Kulubali be ka kalata jaabiw lase

- Seki Bugadiri Tarawele, mogo 9.432 = 0,30%
- Sumana Sako, mogo 27.210 = 0,87%
- Seki Keyita, mogo 15.156 = 0,49%
- Hamedi So, mogo 17.417 = 0,56%
- Sibiri Kumare, mogo 9.169 = 0,29%
- Umaru Ibrahima Ture, mogo 25.610 = 0,82%
- Arasini Seyidu Camu, mogo 16.620 = 0,53%
- Lankoro Yeya Samake, mogo 17.464 = 0,56%
- Koninba Sidibe, mogo 17.217 = 0,55%
- Cebilen Daramé, mogo 5.919 = 0,19%
- Usumani Beni Fana Tarawele mogo 16.142 = 0,52%

## Jamana sariyasunba lafasalibulon de be kalataw jaabi labanw di

Jamana sariyasunba lafasalibulon joyor ka bon woteko la Mali kono. Mogo min ni nemogoya jinini ka kan ani min n'a man kan, ale de b'o latige. Kalataw jaabi dili fana a ka baara y'o ye; kèrenkerennenya la jamanakuntigisigikalata ani depitesigikalata wotew jaabi.

Karidon zuluyekalo tile 28 kalata min kera, Jamana marali, Desantaralizason ani Dugukolo labaarali minisiriso ye jaabi kun folow di. Nka Maliden bee be tulomajo la ka jamana sariyasunba lafasalibulon makono jaabi labanw dili la.

Ka kene ni lafasalibulon sigikun ye, a b'a janto jamanakuntigisigikalata ni depitesigikalata kécogo juman na ka fara jamanadenw ka kandiliwotew (referandoum) kan. Ab'ujaabiw fana di. Mogo o mogo walima politikiton fen o fen ma son kalata do jaabi dilenw ma, o be se ka jamana sariyasunba

lafasalibulon ladonna o la a tuma na. Sariya fen o fen be ta jamana kono, yanni o waleyal yamaruya ka di, lafasalibulon in b'a laje folo, n'a te jamana sariyasunba kono soso.

Ni jamana sariyasunba lafasalibulon ye fen min dantige, kiiritigeso wère si t'a sanfe min be se k'o wuli. A ka fanga be jamana marabolo to bee kunna, a be jamana marabaaw, kiiritigelaw ani mogo kelen-kelen bee kunna. Jamana sariyasunba lafasalibulon mogo hake ye 9 ye; u be wele konseyew. Ba be yele lafasalibulon sekereterize ye; ale y'a jira ko ni kalataw kera, sekiliw nemogow n'o ye perefew ye, olu de be sin jamana sariyasunba lafasalibulon na ni wotebiro kelenna kajaabiw ni seereyasebenw (Pewew)

ye.

Jamana sariyasunba lafasalibulon mana jaabi kun folow lase yoro min na, lere 48 n'c ye tile fila nognona ye, o be nemogoyaninaw bolo k'a jini yoro min ma ben u ma segin ka k'o kank'o segesegé. Ola jinisèben be di «gerefifiye» nemogoso kono jamana sariyasunba lafasalibulon kono yen.

Perefew bëna n'o jaabiw ni seereyaseben minnu ye, olu be segesegé kelen-kelen. Suni tileko t'a ia; ubaara inké fok'a ban. Matilaw bëna di u ma a kama; ni min segenna sigili la ob'a da k'a ta ke. A koni te bila. Wa k'a damine fo k'u tila mogo si te yamaruya ka bo da fe ni jaabiw ma lase.

Bayi Kulubali  
Dokala Yusufu Jara

KONKO BE JE BNAN NA

## Kéléda kunnafoniw

- **Mali sorodasiw donna Kidali :** Jumadoni zuluyekalo tile 5 san 2013, anye kunnafoni soro ko Mali sorodasi 150 donna Kidali. U ma mugu ci ka don. U donto ni mugukan fana ma ben. U dagayoro kera Kidali sorodasikan folo ye. Mali jenjén yankanma Kidali kunna. Okoro ye ko jamana fan tan ni naani bëe kera Mali ta ye.

- **Minusima némogow dafara :** Jamana yéremahoronyalenwa tónba némogóye Beriti Koyenderi sigi k'o ke Mali basigili kélébolo némogoba ye. Ale ka dankanw kera Senegalika do ani Lameriken do ye. Senegalika in togo Abudulayi Bacili, Lameriken in togo Dawidi Geresili. Minusima ka baara ye ka Malibasigi mugukana ci, ka Mali basigi wotew ka se ka ke, ka Mali dème yiriwalibaaraw sira kan san 1 kono.

- **Kélé n'a kóló juguw :** Nin kera Mali sorodasi dò ye, a dusu de y'a kéné wa, a kunkolo de tijéna wa, mogo t'o dòn. Mali sorodasi minnu dagalen bë Gosi, olu dò don. Kabini a fôra ko Mali sorodasiw donna Kidali dòron, ale sinna a némogó Yetenan Ténbine ma, k'u ka wuli ka taa Kidali. Oy'ajira a la, k'ale te se k'o yamaruya di. A ma fila ke. A y'a ka marifa kise bëe konkon o kan. Ségeségeliw bë sen na. Sorodasiké in ye Mali garidi do ye.

- **Lakana sabatiminén dòw dira:** Alimanjamana yelakana sabatiminén dòw di Mali polisiw ma. Minen ninnu songo bë se sefawari miliyon 656 ma. Kamiyonba 2 b'a la polisiw ani kélébolo tali kama; jibondo bë kamiyonba min na kélédenw ka minnijiko kama, o 1 b'a la; kamiyonba min ni sumayalan nörölen b'a la sumanw ni furaw ani minfénw

maracogo numan kama, o 1 b'a la; donitakamiyon 2 b'a la; ani tajitakamiyon 1; ka fara kurandimansinbelebele 2 kan, minnu fanga bë se kilowati (KWA) 363 ma.

- **Esipani sorodasiw fana sen bë Mali lakanani na :** Jamana 22 minnu ka kélébolo bë kéné kan bi Mali kono, Esipani taw b'olu la. U ka Komandopara mogo 104 ka kan ka na. Olu ka baara bëna ke Kulukoro lakanani ye ka fara Bamako ni Kulukoro ce sira lakanani kan. U labennen don k'u suuru kélé kan yorónin kelen, n'o b'a kun bo. An bë don min na i ko bi, u ka némogó ye Kapitén Zoze Anoniyo Agire Piyugú ye; ale ni komando 16 kera némogó ye sanni tow ka na.

- **Gawo meri lajékeyorò tun kelen bë silameya dantémewale tigilamogow ka sariya boliyoro ye :** Ka Gawo to silameya dantémewale tigilamogow bolo san 2012, olu tun ye Gawo meri k'u ka sariya boliyoro ye. Silameya kiiri, n'an ko a ma sariya, o tun bë boli Eziputika mogo 20fe. Sariya tun mana tige, n'a tunjirala k'isen, ibolo; walima ikun bë caron; walima ka sariyabusan da i kan, o waleyabaga tun ye Aliyu Ture ye, o tun kera siranñefénba ye Gawo kono o don.

- **Sigikafó ni bën sabatiliékulu y'a ka wulikajow damine :** Zuluyekalo tile 11 ni 12 san 2013, sigikafó ni bën sabatiliékulu némogoba, Mohamedi Saliya Sokona n'a nómogó y'u kunda Gawo, Tumutuani Motikan. O waati kelen na, jékulu in némogó dankan folo Madamu Tarawele Umu Ture ani dankan filana Meti Mohamedi Agi Irisa, olu tascia Sikaso, Segu, Kulukoro ani Kayi. Uka wulikajo ninnu kune, unijamana jérékuluw ka sigi ka kuma ani mogo minnu tun

ye jamana bila kélé ne, n'u seginna ani minnu ma segin folo, ka bën fo la, ka bën ko la. Lanini ye min ye hadamadenw bë se ka yafa nögón ma cogo minna, ka tajurusara dabila, ka kóbëe lajelen to Ala ma, ale ka kiiri tige. N'o ma ke, Ala k'an kisi, kélé banni ka gelén.

- **Mali kerecenw ka jékuluwa ye naniyajira ke basigi ka sabati Mali kono :** Naniyajira in kéra dème ye; sefawari miliyon 14 ani ba 100, k'a nesin Mali kélébolo ma, ani mogo minnu y'u sigiyoròw bila kélé ne. Mali kerecenkuntigi Mónseñeri Zan Zeribò y'a jira ko nin ye jamanakuntigi ka wele jaabi ye Mali kerecenkatolikiw fe.

- **Anefisi ni Kidali ce sira taama gelyaleñba don :** Kabini bi te binkannikela juguw bë sira tige mogo la Kidali ni Anefisi furancé la, k'u bolofénw ntaraki u la, k'ubone u ni na. Körönfela minnen banbaanci wé, o ye do fara a to kan. Hali a ma mën folo, binkannikela dòw ye sira tige mogo la. U mogo 4 tun dòn, maramafén ce juguw b'u bolo, kélékemobilis min bë wele «Pikopu» u tun b'o kono, ka mètèresi yélen o sanfe. Eménela sorodasiw ka fini tun b'u la an'u ka jalaw. Moto 9 u y'o bësi taamadenw na, an'olu minenw, ka balow ntaraki, ani jakokéménen suguya caman. Uy'a jira taamadenw na, soferike n'a ka paranti, olu ka segin u k'o Gawo; bawo Kidali ye jemanw de ta ye.

- **Peresidan Jónkunda Tarawele ni Eménela ni Aseyiyuya (HCUA) némogow sigira kakumá:** Okéra sibiri wula zuluyekalo tile 21 san 2013 jamanakuntigi dagayorò Bazi filanà kono.

Mogo 4 nana Eménela togo la:

Ibarahimu Agi Mohamedí Asale, Musa Agi Asaratumaní, Mohamedí Zeyini Mayiga ani Anberi Agi Irisa. Aseyuya ka cidenw tun ye mogo 3ye: Ahamada Agi Bibi, Ereduwani Agi Mohamedí Ali ani Intala Agi Asayedí. Mogo ma ke a nögónye in seere ye u mogo 8 dòron kó. An hakili la min fôra a kéné kan, oyebénsabatiliye walasa wote ka se ka ke Kidali basigi kono. Wagadugu benkan kun folo waleyali, a kéra cogo o cogo la do fôra o fana kan. U bôlen, Ibarahimu Agi Mohamedí Asale kumana. A y'a jira ko waati do tuma sera sa. Körönfekéléko in sera banni yetensa. Falaw ni firiyatòw kana caya ka taa a fe. Ciden ninnu na mogo fila nominen den Mali sariya fe n'o ye Ibarahimu Agi Mohamedí Asale ani Ahamada Agi Bibi ye; nkà u bilala ka taa tenfen ma fo o kan, k'a sababu ke ben ninini ye.

- **Mali kélébolo an'i sorodasi köròw ka minisiri ye kankari gelénw da, ka jamanadenw ani dijé kunkankofjékuluw kë seereye:** Ay'a jira ko alamisa su fe zuluyekalo tile 18 san 2013, nége kânje 22nan waati la, maramaféntigi dòw binna Kidali dugumogow kan. Dugumogó minnu ko dòn, minnu k'o k'ubone Mali fe; n'o ye mogo farilafinw ye. Mogo 4 sara u la, k'a caman sebekorò jogin, k'u ka duw ni bitikiw ci ani k'u bolofénw tige. Minnu sera ka boli ka taa u dogo Mali sorodasikan ani an dembagasorodasiw dagayoròw la, olu de numan bora ninko in na. Tijéni ma dàn o ma; u ye tasuma don Kidali sugu la a duguje zuluyekalo tile 19. Nin bës kéra ka Mali sorodasiw ni Faransi ani Oni togolasorodasiw to Kidali yen, hali se ma wuli ka bo a fan kan. Mali kélébolo minisiri y'a jira ko nin ye fén ye min ma ben, wa sagon te se ka k'à kunna ten ko fosi te bo a la.

Jatémine na, nin kasaara in ye Eménela ni Aseyuya mogo ka labenhen ye, k'a jira mogo farilafinw ani goferenamán na, k'olu sago be Kidali la halibi.

- **Tesaliti mogo minenew bilala:** Tesaliti Seni (CENI) mogo ka fara a meri dankan kan, olu mogo 5 tun minena Eménela mogo fe. K'u bali ka wote labenbaaraw ke. O mogo minen minnu bilala, nkà mogo m'u bilacogo dòn.

A jirala ko Faransi sorodasiw de yaalato bora u kan kungo kono. Eménela bës ka to ka dugumogow dalaje k'a jira u la, k'u kana wote Kidali mara kono.

Alasani Jara  
Dusu Jire  
Ajaratu Danbelé  
Mahamadu Konta

## Mali ye bonyamasegin ke Faransi an'a Peresidan Faransuwa Hohandi ye

Bonyamasegin folo kera Faransiye, ka Mali ka walenumandón ni fasodennumanya medayiba di Faransuwa Holandi ma. O kera nténendón zuluyekalo tile 15 san 2013 Pari, Faransi faaba kono Mali ka lasigidienso la. Faransuwa Holandi yére de wulila ka na Mali ka lasigidienso la; peresidan Jónkunda ye medayida a disila yen; k'a jira a la, k'a sonna ka Mali magen, k'a ka kélébolo lawuli teliya la, ka körönfela bo bolo la; o sara te Mali bolo ni bonya, foli, tanuniani walenumandón te.

Bonyamasegin filanan kera Mali sorodasiw weleli ye Faransi ka yéremahoronya seli kéné kan



zuluyekalo tile 14 don. O wele in jaabira.

O don, Faransi y'a fanga da kéné kan maramafénkola, k'a jira dijémaa na ko Faransit etalonkefénye; masiba kélékeminen, minnubé sanfe, minnu bë boli ji kan ani duguma, minnu bë pérén, kélékeminen kura dama, olu temena jama nekoro. Afirikisorodasiw ani Oni (ONU) sorodasiw, olu fâna taamana kéné kan, ka Faransi kélébolo ni Mali kélébolo ka teriya n'u ka bën sementiya.

Bonya dara Mali kélébolo kan ka taama in damine : Mali sorodasiw ye taama in ke ni kunkoréta ye, bonya ani karama kono. Amadou M. Sise Mahamadu Konta

# Sutura birifini wulila ka bo depite dōw kan

Nin ko intun mœnna sen na. Kabini waati jan, sutura birifini wulili ka bo depite dōw kan, o ninisœben tun be depitebulon kono. Nka jumadon zuwenkalo tile 28 san 2013, depitew ye jaabi di. Depitebintun ye jekulu dɔsigi sen kan a kan.... O nemogo tun ye Kasimu Tapo ye. A tun nininen don sutura birifini ka wuli ka bo depite 9 kan, k'ubila sariya ka bolo kan. Mali kɔronfela depite 6 b'o la, ka fara woroduguyanfan depite 3 kan. Kɔronfela depite minnu kodon, oluye: Hamada Agi Bibi, ale ye Abeyibara sereklili depite ye. Aligabasi Agi Intala, ale ye Kidali sereklili depite ye. Deyiti Agi Sidimu, ale ye Tesaliti sereklili depite ye. Mohamedi Agi Intala, ale ye Tinesako sereklili depite ye. Ata Agi Hudu, ale ye Guruma Ararusi sereklili depite ye. Ibarahim Agi Mohamedi Asaleyi, ale ye Buremu sereklili depite ye. Woroduguyanfan depitew ye : Muntaga Tali, ale ye Segu Sereklili depite ye. Musa Berete, ale ye Sikaso sereklili depite ye. Umaru Mariko, ale ye Kolonjeba sereklili depite ye. Sutura birifini wulila ka bo nin depite 9 bee kan. U tannan tun ye Mamadu Hawa Gasama ye; ale kunnadiyara, a tora sutura birifini koro. Depite tow ma son k'ale labila. Mamadu Hawa Gasama ye Yelimani sereklili depite don.

**Sutura birifini wulili ninikun**  
Ni mogo be joyoroba dōw la jamana



Depitew be ka wote

kono, tanga do be da a kan, mogote se k'a wele kiioso ia, a fana te ke mogo seere ye. A be o sutura birifini koro. Nka ni ko b'a kunkan, depitew de be jateminé ke folo k'a don ni sutura birifini be se ka wuli ka bo mogo kofolen inkank'a ibila sariya bolo kan. Sutura birifini be mogo minnu kan, depitew b'o la. Kɔronfela depitew nominen don sabula olu ye jamana janfa ka boli ka taa fara u ka fanfela mogo murutilen kan. Muntaga Tali ni Babanin Sisoko min be wele Futange, olu be nogon na kiiriko la. Babanin ye Kejeba sereklili depite ye. Jekulu min sigira sutura birifiri wulili jateminé

kama, o ye u mogo fila wele k'a nini u ka ben sigikafo la. Nka usonen te a ka ban o cogo la. U yerew ko k'a ko donsariyatigelaw bolo. Umaru Mariko nominen don ko kalansoba min be Badalabugu kulu sanfe, o lakolidenw ye murutili min ke fo mogo tora o la, siga kelendonale la n'a t'oludemebaa ye u ka waleya jugu la. Mogu caman wulilen don k'u jo Musa Berete nofe ko ko be olu n'a ce fo o ka jenabo sariyatigiws. Bamakokominifoloméri tun be ka Mamadu Hawa Gasama wele kiiriko la. Namambonyoroba min be Jelibugu-Dumanzana, a togo b'o ko gelendola. Nka a jirala ko méri y'a

ka welelisœben fosi k'a ye depite no boli bila. O b'a jira k'a ta banna.

Jaabili la, wotew senfe depite 118 sonna sutura birifini ka wuli ka bo Aligabasi Agi Intala kan, mogo si ma ban o ma; nka depite 5 y'a yere mine olu ma u hakillila di a la. Depite 114 sonna sutura birifini ka bo Hamada Agi Bibi kan; mogo si ma ban o ma; nka depite 5 fana m'a hakillila di a la. Depite 117 sonna sutura birifini ka bo Deyiti Agi Sidimu kan; mogo 1 ma son, 4 m'a hakillila di a la. Depite 112 sonna sutura birifini ka bo Mohamedi Agi Intala kan, mogo 10 ma son, 4 m'a hakillila di a la:

Depite 104 sonna sutura birifini ka bo Ata Agi Hudu kan; mogo 10 ma son, 3 m'a hakillila di a la. Depite 117 sonna sutura birifini ka bo Ibarahim Agi Mohamedi Asaleyi kan; mogo ma ban o ma, depite 2 y'a yere mine olu m'u hakillila di a la. Depite 81 sonna sutura birifini ka bo Muntaga Tali kan; mogo 40 ma son, 4 m'a hakillila di a la. Depite 85 sonna sutura birifini ka bo Musa Berete kan, mogo 34 ma son, 6 y'a yere mine olu ma u hakillila di a la. Depite 119 sonna sutura birifini ka bo Umaru Mariko kan, mogo 8 ma son, 2 y'a yere mine olu m'u hakillila di a la. Depite 42 sonna sutura birifini ka bo Mamadu Hawa Gasama kan; mogo 87 ma son, 2 y'a yere mine, olu m'u hakillila di a la.

Alayi Lamu  
Dokala Yusufu Jara

## San 2013 hijidenw taali donna Makanjamana pankurunko cakeda «NASAIR» bolo

Minisiriw y'u ka laadalatonsigi ke Kuluba arabadon zuluyekalo tile 10 san 2013. A nemogoya tun be furancelafanga jamanakuntigi Jonkunda Tarawele bolo. Laje in senfe, wariko minisiri ye sariya do dajira. O be tali ke san 2013 hijilataa la. N'o ye hijidenw n'u bolominenw taakaseginni ye Makanjamana kan. Minisiriw sonna o poroze njania sirilen in ma.

A be san tan caman be goferenaman be hijilataa labenw ke. Jamana marali, Desantaralizason ani Dugukolow labaarali minisiriso b'a jo ni hijiden dōw taakasegin, u ka jabaalako, u ka dumuniko an'u ka kenevakoye hiji konona na. Olu ye hijidenw ye, minnu be taa goferenaman ka bolo kan. Ninan ta nesinnen be hijiden 1.500 ma. U taakasegin dira Makanjamana (Arabi Sawudit) pankurunko cakeda «NASAIR» ma.

Fen min ye san 2013 hiji musaka ye, o kera sefawari 2.190.280 ye; kasoro san 2012 hiji musaka tun ye

2.080.000 ye. Ninan ta in ka ca n'o ye ni d110.280 ye. Goferenaman be ka wari min kerénkerén san 2013 hijiko kama, a bëna sara o la. Taakaseginbaara in be ke tile 6 kono. Tile 3 be «NASAIR» bolo ka taa ni hijidenw ye Makan, hiji mana kunce a be segin n'u ye tile 3 fana kono.

Musaka kofolen in na Bamako - Jeda pankuruntasara ye d1.079.600 ye; 1.066.380 ye siyorow ni dumunisongow ye Makanjamana kan yen; d14.000 ye lahiyasongo ye; cakeda min nesinnen be hijiko ma Bamako o bolomadémewari ye d4.000 ye; ka hijidenw n'u bolominenw ta o cakeda in na ka se pankurunjiginkene na Senu o ye d800 ye; bankiw ka musaka ye d4.000 fana ye; taamasiyen minnu be ye mogow la k'a jira ko goferenaman togolahijidenw don o musaka ye d2.100 ye; dögötörö ka lajeliwariw ye d6.000 ye, nka ni hijiden min man kene a disiyantfan

fe ni ekogarafi be k'o la, o lajeli in musaka t'o la; boloci musaka ye d3.400 ye; dugutaasében n'o ye pasipori ye, o musaka ye d10.000 ye. Nin bee lajelen faralen nogon kan o de be ben hiji musaka sefawari 2.190.280 ma.

Hijiden minnu b'a fe ka taa goferenaman ka bolo kan, o togosébenw be ka ke hijiko cakeda la. O be Hamudalayi santiri islamiki kono Bamako. A daminena zuluyekalo tile 15, u be kunce setanburukalo tile 30 san 2013. «NASAIR» ka pankurunw be taa ni goferenaman togolahijidenw ye k'a damine setanburukalo tile 25 la ka se a tile 27 ma. Seginni be damine okutoburukalo tile 20 ka se a tile 22 ma san 2013. O siratige la, hijiden minnu be taa goferenaman fe, nka n'u te Bamako kono, o bee ka kan ka se hijiko cakeda la yanni ka setanburukalo tile 20 teme walasa ka hiji kecogo kalarw damine.

A nininen don hijiden kelen-kelen fe u ni karadantefoto 12 ka na u

bolo. Cakeda min nesinnen be hijiko ma, o be mogow ladonniya, ko goferenaman taara ni hijiden hake min ye san 2012 hiji la, kemesarada la Makan faamaw y'a jira ko 20 ka bo o la ninan. O de koson goferenaman tena se ka teme hijiden 1.500 kan. Nka Mali yamarualen don ka taa ni hijiden 7.200 ye. Kenyereye ka pankurunko cakedaw bëna taa n'a to 5.700 ye.

Do boli hijilataala hake la, o sariya in ma boli Mali dɔrɔn kan. Hali Makan kono yen mogo hake min tun ka kan ka bo jamana marayoro wcrew la ka na hiji ke Makan, kemesarada la faamaw ye 50 bɔ o la ninan. Sabula baaraw be sen na ka do fara hijikoyoro kene kan san nataw kama. San temenew na hijikela 48.000 de tun be Alikaaba munumunu lere kelen o kelen. Nka do farali kene kan k'o baaraw to sen na, jama tena se ka teme mogo 22.000 kan lere kelen o kelen.

Dokala Yusufu Jara

## Sisunw səbekorɔ denna ninan

Ninan, taare-taare siko la. Siw səbekorɔ dennen don Surunkun-Gangaran, fo k'a bonya mögəw hakili ma. Mögə be se k'a fo ko sisun te anwfeyan min mäden ninan. Santemenenwna, mögəsago tun te mögo were ka don i ka foro kono k'i ka forelasiw tōma n'i ka denbaya mögəw dərən te. Nka ninan, forotigw be jore la siden caya kojugu sisunw koro forow la, u kana sumansunw bali ka wuli. Sabula sidenw be tonini min ke u fitinik kan, o b'a la k'u nemano gosi. Sidenw yere kelen be doni ye sumanjuw kan sisunw koro forow la.

Mögə caman ka jatemin na, san 2012 samiyə sanji

caya kojugu de ye nin sidenba in sababu ye ninan. Ala k'a ke here ye Mali kono, ka sanji caman na ninan fana walasa sikoloni situlu numan caman ka se ka sərek sətəmənaw bolo.

O temen kofe, ninan samiyə sennasummaryara ka teme salon ta kan. Salon nin waati kelen y'a soro sanjiba caman nana. Nka ninan sanji fitinuw de ka ca, san be finko caman ke a be laban ka teme ji te na. Sanfinewa fana be sanji nataw koro.

Samiye damine mana geleya, ni Ala, ma fara sənekelaw kan a san te ke samiyə duman ye. Ala ka sababu numan k'an ye. Ko

da damine be geleya, nka a laban be ke jama sago ye. Sanji te mögo bolofen ye k'i be se k'a suuru waati min ka di i ye. An sənekelaw koni kana salaya. Baara fen o fen ka kan ka ke waati min na an k'an timinandiya o la.

Ne be dugawu ke Ala ka jamanakuntigi numan sigian kunna. Anka here bəna se ka soro mögə min tile la Ala k'o g a r i j e g e jamanakuntigisigikala in na. Ala k'o ke. Maliden cəman ni musoman, denmisən ni mögəkəroba, bəs lajelen hamina ka se ka sabati, ka jamana yiriwa. Banba Jara ka bo Surunkun-Gangaran, Tukoto komini na Kita

## Dumuni numanw ka feere sunkalo la



Daramani Sise

dogo sunbaato ma. Buuru ka soro suguw la o ka ni. Nka buuru tijenken ko te. Buurujalaneerelaw k'a laje ka numanwta. Dumuni kolon be mögo bana. Misinonoko fana b'o cogo la. Ale k'a di mögo caman ye suntige la. Mönfeerela dōw be nōnō san - san ka fara nogon kan fo dogokun kelen ni ko. I b'a soro u ka nono kumunna fo ka dan teme. O yere te nōnō kumun ye bilen. Nōnō toli don. Dumuni kolon ka jugu mögo ka kene ya ma.

Daramani Sise ka bo Noglaso, Sanzana komini na Kijan Sikaso

## Sumanjalansenewni «SNV» ka baarakənəgonya



Mamadu Jara

Kolokanin serekili kono, Dunkafaton n'o ye Iniyon Sereyali Sesiye, o nəməgəba ye Miseli Kane ye. Esiyeniwe (SNV) ye demedenjekulu ye, min ka dəməs be se wulakənobaarakelaw ma. A ye tile fila kalan ke Kolokanin serekili Iniyon Sereyali Sesi mögəw kun : biriba, kələsijekulu ani koperatifu misenman minnu be sigidaw la əlu ka cidenw tun b'a kene kan.

Tile fila kalan in kera Dunkafaton ka san 2013/2014 sene kanpani sannifeere bolodali kan. A kələsira kosannifeerebaaraw te se ka sabatin'uma boloda. Bolodali de b'a to koperatifu k'a ka soro lakika dən; a be se ka bin ni hake min ye k'o fana jate mine; k'a ka suman sərətaw səngəw sigi ani ka sumansi suguya kelen-kelen

soroli baara musaka jate mine.

Sumanjalansenewni demedenjekulu Esiyeniwe ka baarakənəgonya kelen be nafaba ye. Kalan in kera sababu ye ka faamuyaliba di koperatifuden ma, ka dusu don u kono ka taa a fe u ka baaraw la.

Alasani Konate tun y'an karaməgəba ye kalan in kene kan.

### Poyi : Danbe

Danbe ye fənba ye hadamadenya la. Ni danbe t'i la i ka mögoya ye tokajye. Sanu te danbe soro, Wari t'a soro. Faamaya te mögə ke danbetigi ye, Nafolotigiya te mögə ke danbetigi ye. Faantanya fana te mögə keli danbetigi la. Danbe ye kewale numan ani laadiriya ye. Danbe be mögə ke maaba

ye sigida la. Alimamiya te mögə ke maaba ye ni danbe t'i la, Somaya te mögə ke maaba ye ni danbe t'i la. Dannaya ni hərənya de be mögə ke maaba ye. Janfanci ni fugari te danbetigi ye. Baara numan de be mögə danbe sankorota. Sonyali, binkanni, nkalontige, namara ani baarakəbaliya, ninnu be mögə danbe bo i

O temen kofe, ninan samiyə damine geleyara, k'a sababu ke sanji nacogo ye. Sanji ni nogon ce kajan, utə səbekorɔ na fana. An be dugawu ke Ala ka sanji na fana caman suuru walasa sene k'a kebaaw nafa, ka dunkafa sabati jamana kono. Mekalo la sanji ye nako 2 ke; o benna milimetere 11,7 ma. Zuwenkal fana na a ye nako 2 ke; o benna milimetere 39,3 ma.

K'a ta zuluyekalo tile fəlo la ka se a tile 20 ma, sanji milimetere 71,7 sorola. Sanji nanen mumey'ola milimetere 122,7 ye.

Ala ka samiyə diya kosebe

Mamadu Jara balikukalankaramo don ka bo Npeserebugu, Masantola komini na Kolokanin

## Bamako səbekorɔ nogolen be

Bamabo Dabanaani kelen be dənbaalafili ye k'a sababu ke naman ye. A b'i n'a fo u kelen be ka suguba naman bəs de ce ka n'o ton Dabanaani gitəronba kan. Yala meri mögə de desera baara la wa?

A tun fora ko ni Dabanaani gitəron dilanna ka ban, ko karebaw bəna caya a sira kan. Okuma danna a foli ma. Don o don jeya kuma fana be faamaw da, ko nogo ye bana ye. A b'i n'a fo Dabanaani nogo te fen ke mögə la. Jatemin na, mögə be se k'a fo ko Dabanaani gitəron

dilankunye namanbənyɔrɔko ye. Nafolo hake min donna a dilannina, o bəs son ka miliyari caman bo. Ni demebaaw ye sira in nogolen ye nin cogola, u be son ka timinangoya an demenina. Sabula ub'a foko sira ci t'an ye.

Faamaw k'a laje ka dabali tige Dabanaani namanko la. Kabini lakanabaaw bora yoro in kunna, mögo si mako t'a la bilen.

N'iye Dabanaani togo men ka na a ye, i be ke cogo min na ne b'o dən, e b'o dən.

Yaya Mariko ka bo Senu, Bamako

## Sanji te ka na ka tugu fəlo

Sənekela be nin nininkali in ke a yere la. Yafa ninan samiyə bəna diya wa?

Anw kənənafililen don; sabula samiyə ye sənekelaw segen kalan. Forow falen don bin na, danni ma soro fəlo, k'a sababu ke sanjikogeləya ye. Sanji te ka na ka tugu fəlo.

N'iye danni ke, dogokun kelen nogonna be se ka teme k'a soro sanji ma na a kan. Bəs b'a dən, ka danni ke, sanji təna o kan dogokun kelen kono, o geleya ka ca. Dannenw te falen ka je, bin be juguya ka taa a fe. Foro caman ye danko fila soro kaban. Sabula dannen folow ma falen. Sanji ma na u kan joona. An seginna k'u dan tuguni. Hali o la forow ma fa ju la. Fen min ka jugu sənekela ma samiyə fe, o ye danni keko fila ani səge ye.

Ninan sanji nataw man bon. U fiye ka jugu. Sanji ni nogon na ka da o kan.

Asani Tarawele ka bo Kokuna, Kapolondugu komini na Sikaso

Kalankene N°132nan

## Dugu hadamadenya temesiraw : folobolokoli kecogo Kaaba

Maninkala faaba ye Kaaba ye. Halibianbe hadamadenya temesiraw baabu kono Maninkala. An kumana sariyako ani denkundi kan. Sisan an be do fo bolokoli kecogo koro kan, ka kene ni «Saheliyen» ka sebenijekulu ka baaraw ye.

### Bolokoli kecogo koro Kaaba

«Folo, denmisennin tun te boloko joona. Muso dow tun be se ka konoje fila fo saba ke, k'a soro u ma boloko.

Musomannin tun be furu k'a soro a ma boloko

Folo, jenajeba de tun be ke bolokoli la; barisa npogotigiw ni bilakorow bee de tun be boloko don kelen na. Sanni bolokoli don ka se, u be taa dgojini ka n'o ton kerefe. Bee tun n'i ka dgoton don. U tun b'a fo o ma badogo.

N'u tun donna solimaso kono, dgojinnu tun be ke u koliji kelayalan ye fo ka taa u bo.

Npogotigiw ka bolokoli tun be ke a dan ma. Bilakorow fana ta tun be ke a dan ma.

Sanni bolokoli ce, bilakorow tun be san kelen ke ka ba tige ka taa ba kofe. O san tun mana ban, bolokoli tun be soro ka dogoda. Kaara tun be koori kungo kono. O kaara dadon tun y'a damanajenaje ye. Tulonkeba tun be ke.

Mogo kelen tun be bila solimaden bee kunna. Solimadenw tun be gere don; o tun y'u ka fini ye. A fugula gere, a duloki gere, k'o bee bilen can. Nibolokoli tunkera, utun be kunjogon naani de ke bure la. Solimadenw tun be furake ni farafinfura ye. U ka kolakadi (kolakari) tun ye kunjogon ni kunjogon ye.

### Soli tun ye jenajeba ye

Si tun be ke soli la. Kunjogon naani in kono, solimadenw tun te se dugu kono. U tun be dumunikko naani ke

tile kono. O dumuniw tun ye; sogomadaraka, tileafana, wurakanjan (wulakajan), surufana. Bulonba de tun jolen be yen.

Wula tun mana se, hali n'u tun be ce tan bo, u bee tun be je ka dumuni ke bulonba in kono. N'u tun bora kolakadi la, u tun be ko. O tuma na, cew tun be taa komo fe.

O botuma tun mana se, muso si tun te ye kenema. Ni min tun bora, komo tun b'o tomo. Komotigi togo tun ye Nama.

Dogokun naani tun mana dafa; solimadenw tun be taa so. Folo, bolokoli tun be ke ka caya. Sisan, mogo bora Bamako ka n'a fo ko musomannin bolokoli ka dabila. Y'a fo k'a be geleya werew lase muso ma. O de ye bolokoli dogoya Kaaba.

**Saheliyen (Sahelienne)**  
Kaaba Karawani Sebenijekulu

## Maakorobaro : Cebilen



Daramani Tarawe

Zantaramu ye k'a sababu ke a ka nanaya ye.

Ofana ye Cebilen keje; bawo n'i ko ison kolon man konyan, n'a meennna k'i makono, a be laban k'i segere.

Cebilen seginna a dongo ma, ferekenagami, namara, binkanni, sonyani, nkalontige. Gana fana labanna ka Cebilen keje. A seginna a fajamana kono ni hakilila kura ye. Walasa k'o hakilila da kene kan, Cebilen ni kurane ma fara nogon na. Ajigina jamana kejek fe ka moriya damine. A y'a yere ke hayatigi ye. Haya min b'a bolo k'o be se ka nafolo latige mogo ye. O kuma kera ka jamana fan tan ni naani wo bee labo.

Mogow be don morike kura kan. Wari be jigin a kan cogo min na, a be jigin a kan ten. A fana be namara ke cogo min na, a b'a ke ten. A be baara ke mogow ye. Baara in mogofaga ma bo fosi fe. Cebilen ka nasiji kera ni posoni fariman do ye. A b'a ke buteli kono k'o di baaratigi ma. O furaji minyoro ye nejen konona ye n'u seginna u ka so. A minnen ko, u ka buteli fili sutura kono. Fen o fen y'o bo

a sira fe, a bee ye tijeso segere. Nejenkonosu cayara dugu kono.

Dugumogow siranna k'u kononafili; bawo banu kura donna dugu kono, a mogofagacogo ma se ka faamu. Segesegeli wajibiyara. Segesegeli sira taara bo morike kan. Mogo simaw be yen. Sima do bora morike ka so n'a niyoro nasi ye. Ale ma son ka nasi min. A y'a di bagan do ma. O bagan m'a ni si ta. O sira de yelenna ka taa jo morike Cebilen na.

Cebilen, ni dow ko a ma Ferekenagami, dow ko Ferekebanjugu, dow ko Morike, a ye jamana daga kolon ci, k'a filen kolon ci po. A kera fen bee ye, nkalonci, namaranci. A ma siran kunko fan si kelen je. A ye walifen bosi, a kera bosi - n - tigila ye. A ye forobafen sonya ani ka sira tige dugutaalaw la, a kera binkannikela ye. Cebilen m'a to faama na, a m'a to faantan na. A m'a tanga siginogon ma sango jenogon, kuma te balimasira ma.

Cebilen kera dakan - sa - te ye. Bee ko u y'a to Ala ma. Ni min desera, o b'a to Ala ma. N'o te, mugu cidon Celilen na fanga fe, o kera jamana lafiyadon ye. Jamana seleke naani y'o ke seli ye.

**Karamogo Daramani Tarawe  
Hadamadenya taabolo kalandiya**

**A' ye Kibaru san.  
Kibaru, kunnafoni  
jigine !**

Dukene 107nan

## Koperatifuko sariyaw

### Mali kono (9) :

## Koperatifu ka farajogonkan n'a cili

### Sariyasen 70nan :

Ni lajeba balalen dijena n'a ye, koperatifu minnu kuntilenna ye kelen ye, olu be se ka farajogonkan, ka ke koperatifu kelen ye. O farajogonkan be bange koperatifu kura la.

### Sariyasen 71nan :

U ka sorow n'uka musakaw be lateme koperatifu kura bangelen ma.

### Sariyasen 72nan :

Ni koperatifu ka lajeba balalendienna n'a ye, koperatifu be se ka ci ka ke koperatifu kura fila walima caman ye. Ni cili latigera, sorow ni musakaw be tila koperatifu kuraw ni jogon ce. Tondenkelen-kelen bee togo be seben u dan ma.

### Sariyasen 73nan :

Koperatifu ka farajogonkan walima koperatifu cili nefolen don sariya in tigeda filanankono. Ni nin sariya ninnu ma labato, yelemani te dafa.

**Hadamadenya sabatili ni jogondeme Minisiriso, san 2008 awirilikai**

## Kalan-Mali ni SIL-Mali Mali ye lajeba ke bamanankan kanhakew kan

Kalan-Mali ni SIL-Mali jera ka barosigi ke sibiridon zuluyekalo tile 6 san 2013 SIL-Mali dagayoro la Bamako Badalabugu. Lakolikalan, Balikukanani ani Fasokanw yiriwali minisiri ka korsigi Abu Jara, SIL-Mali baarakelaw, lakoliden korbaw ani Kalan-Mali tondenw tun b'a kene kan. Lajeinkera kankodonnaya sabatijekulu ka baaraw damineni hukumu kono. O jekulu in sigili sen kan, o hakilila bora SIL-Mali baarakela do la, min be weleToma Bileki. Baaraw damineni ni SIL-Mali nemogo Madamu Jeniferi Orowu ka bisimilafoli ye. Ale ye nabaaw fo k'u walenumandou. Ka Kalan-Mali fo a ka cesiri la fasokanw yiriwali sira kan, ka SIL-Mali joyoro fo Mali ani Afiriki kanw yiriwaliko la; o kofe Kalan-Mali nemogo Mahamadu Konta ye kuma ta, k'a jira ko bolodijognoma sinsinna Kalan-Mali ni SIL-Mali ce k'a sababu ke barosigi labenni ye. A kumana barosigi in kumatigi Bakari Jara kan. Ale ye kankodonnaya dunge ye.

O bole k'o yen, Abu Jara ye kuma ta ka minisiri ka foli ni tanuni lase kumatigi ma anika walenumandoufoli lase SIL-Mali ni Kalan-Mali ma. Barosigi in laban na, Kalan-Mali ye mogo minnu kalan bamanankan na, olu ka seereyasebenw dira u ma.

**Mahamadu Konta**

# Jamanakuntigya ninibaaw

Jamanakuntigisigi kalata minkera san 2013 zuluyekalo tile 28 kan, mögo 36 tun ye jamanakuntigiya nininisébenw lađen.. Mögo 28 minnu ni Mali Sariyasunba lafasalibulon sónna olu ka jamanakuntigiya ninini ma, olu togow file : Sumayila Sise, Ibarahimu Bubakari Keyita, Jamili Bitari, Huseyini Gindo, Musa Mara, Seki Mohamedi Abudulayi Suwadu n'a be wele Modibo Jara, Mamadu Bakari Sangare n'a be wele Bilezi, Modibo Sidibe, Daramani Danbelé, Umaru Buri Ture, Madamu Hayidara Aylisata, Alasani Sise, Umaru Mariko, Alihuseyini Mayiga, Yézufu Sise, Muntaga Tall, Syaka Jara, Sogoll Kokala Maviga, Seki Bugadiri Tarawele, Sou Iana Salo, Seki Keyita, Hamedi So, Sibiri Kumare, Umaru Ibarahimu Ture, Arasini Seyidu Camu, Rankoro Yeya Samake, Korinba Sidibe, Céblien Daramé ani Usi Jani Beni Fana Tarawele.

Jamanakuntigiya ninisében tun ladonna mógo 8 to minnu fc n'u ma sariyad fa, yamaruya t'olubolo bilen k'u kan. San 2013 kuntigiya ninini nofè. U togow file : **Madani Tali ni Madamu Sidibe, Aminata Jalo**, sefawari miliyon 10 min kofora n'o be da sèbenw kan, olu ma se k'o soro ka di. **Tijani Gindo, Mamadu Sidibe, Mamadu Jige** n'a be wele Jafu, **Gawusu Abudarahamani Fofana**, **Bubakari Nco Tarawele** ani **Ecení Goyita**, olu fana ma se k'u ka miliyon 10 soro ka di. Depite 10 ka kan k'u bolono bila jamanakuntigiya ninisében na, o ye sariyaw do ye; o nonow fana ma dafa.

Cəbilen Daraməy'a senbəzuluyekalo tile 28 jamanakuntigiya jinini na. Cəbilen Daramə ka fə la, kalatalaw təgə bə səben səben minnu kan ka nərə, tilə ma k'obaa raw la Kidali mara la. A ko fana, kalata juman tə se ka ke zuluyekalo tile 28, jamana fan bəc fe.

Hakililajigin na, Cəbilen Daramə yere de tun ye gəfərənəmanan ʃöyör fabaa ve Waqadugu fəkaben kənə kan.

Bayi Kulubali  
- Madiba Kevita

# **Faransi sorodasi dōtora sirabakankasaara la**

Faransi kélébolo min bë wele Operason Seriwali, o sorodasi do tun ye Birigadiyeséfu Mariki Mariten Wale ye. U sorodasi fila tun b'u ka móbili kono. Móbili in binna n'u ye. Ale tora a la k'a tópjogónke jogin. A kéra taratadon zuluyekalo tile 30 san 2013 Duwanzan serekili kono Moti mara la. K'a damine kélé damineni na zanwuyekalo la ka se sisán ma,

Faransi sorodasi 6 de fatura Mali kono. Mariki Mariten Wale si hake tun be san 28 na. U mobili 40 njogonna tun be njogon nofe. U ka baara tun ye taakasegin ye Bamako ni Gawo ce basigi sabatili jateminew kama. An be waati min na Faransi sorodasi to ye 3.200 njogonna ye Mali kono yan Operasori Seriwalii hukumu kono.

# Kalatalaw bugunnatiyeseben labenna

Kalatako hukumu kono, ben kera a  
kan san 2013 kalataw ka ke ni kariti  
NINA ye. A daminenä ni  
jamanakuntigikalataw ye. Otako folo  
yere kera zuluyekalo tile 28.  
Kalatasében folo min tun be di mogow  
m... ka wotekayoro ani wotebiro  
... o fun b'o kan. Nika olu te kariti  
... kan. Kunnafori fen o fen be  
... ka wotekayoro, obes koni  
... kafataaka Malidenya nimoro,  
a bolono ani a foto kan.

Jamana Marali, Desantaralizasori  
ani Dugukolo Labaarali Minisiriso de  
be wotekow laben Mali kono an'a  
kokan ni woteko cakeda (DGE) ka  
deme ye.

Kalatalaw bugunnatigeseben  
minecogo numan, o kalifalen be

woteko cakəda ma. Jekuluminsigilen  
be kalata kama o ye Seni (CENI) ye.  
Oka baara jesinnen be kalata kecogo  
numan sabatili ma. Malidenw  
jatemineni min kera san 2010  
k'ukeleenna bugunnatige don,  
kalatalasəbenw dilanna n'o kənəkow  
ye. Məgo o məgo, bəə ka malidenya  
nimoro, i togo ni jamu; i bangeyoro, i  
bagndon n'a san an'a kalo, i fa  
bangebaaw togo ni jamu, i ka baara  
keta, i ka dugu walima i ka kin ka fara  
i foto n'i bolonç kan ani kariti NINĀ in

dilandon

Seni nemogo Mamadu Jamutani y'a jira ko waati min bolodara kariti NINA dilanni na, o tun ka dogo kosebe. Ode koson wotekoyorani wotebiro nimoro ma se ka ke a kan. Kariti NINA sugandikun ye kalatala kana se ka namara ke n'a ye. Sabula kalataw temenen kofe, a be men fan caman fe ko kalatasen yuruguyurugulenw tun be mogow bolo. Minisirinemogo Jango Sisoko y'a jira k'u tenu fosi dogo mogowla. Kogoferenamansago ye kalataw keli Isienya la. Kalataw kecogo numan sabatili hukumu kono, Seni ye mogo 25.000 ta wotebirow jatemineni kama jamana fan bee fe. Kolosilikela dunanw fana be bojamana werew la ka na Mali ka nin wote kecogo laje.

Kalatala hake min dantigelen don, o ye 6.877.449. Musaka min be don jamanakuntigisikalata in dafé, o ye sefawari miliyari 65 ye. Mali yere y'a jo ni miliyari 25 boli ye o la. Wotebiro mumé ye 25.000 ye. Mogo 125.000 tara jamana marali minisiriso, woteko cakeda ni Seni fe k'u kalan kalata don baaraw kecogo la. U be tila mogo duuru-duuru ye wotebiro kelen-kelen ce Mali marayoro 8 kelenna kono, ka fara Bamako komini wooro kan.

A ka ca a la wotew bē kē lakōlisow la. Kariti NINA bē mōgo minnu bolo olu dōrōn de yamaruyalen don ka taa wote. A nūmanye i ka se i ka wotebiro da la joona k'a jo nōgōn kōfē. Se mana kē min ma, a b'a ka kariti NINA jira. A ka kan ka tēmē sira minnu fē ka wote olu bē jira a la. N'a wotera ka ban, a bē taa so. Kalatalaw bugunnatigēsēbēn w bē nōrō wotebirow da la dōgokunkelen ka kōn wote don nē. Mōgōw bē se ka taa u ka wotekēyōrōw ni wotebirow jōrōjnini yanni a don cē. N'i bē se mesazici yērēla, o ka nōgōn'a tōbēcē ye. I bē nin dānē in sēbēn a sēbēndenw cogoya la : Ele k'i sēbēnnikēyōrō telu dōrōnin ni siginiden kelen sēbēnyōrō hake ye ka sōrō k'i ka Malidenya nimōrō jateden 14 don k'a laban siginiden kunbaba don ka fara a kan. Kasōrō ka mesazi inci Malitēli walima Oranzima. Malitēli nimōrō ye 36666 ye, Oranzi ta ye 36.777 ye. Segondidamadōkōnojaabi bē na. I b'a sōrō i tōgō ni jamu, i ka Malidenya nimōrō, i ka wote kēyōrō an'i ka wote biro nimōrō nana.

Mogo 28 de tun bë ka jamanakuntigya nini. Cëbilen Daramë y'a senbo a la. At tora mogo 27 ye; ce 26 ani muso kelen.

Dokala Yusufu Jara

## Peresidanya ninibaa bee ni bonya ka kan

Peresidanya ninibaa ni bonya ka kan  
ka da a kan u k'u b'a fë ka jamana jo  
kura ye, k'a labo kunmasuuli, malo  
ani lebu dingë kono. U y'o'kuma ñin  
fö, u sera ka feerew tige ka sefawari  
miliyon 10 soro ka di u tögsébensara  
ye; k'u ka ton bolofaraw sigi jamana  
kono; ka wulikajowkë; ka nafolocaman  
soro ka don u ka kanpaniw dafë; ka  
jamana fan tan ni naani yaala, k'u  
ñaniyaw da këne kan jamanadenw  
ye. O te baara nogoye. A te taa yeredi  
ko. O de kama an ko u ni bonya ka  
kan.

O bəlen kə yen, mogow don jamanadenw bə minnu don. Min ye juman kə ani min ye juguman kə, o dənneñ don. Min ye tijefola ye ani ni min ye nkalontigela ye, ofana dənneñ don.

Mogo man kan ka sigi jamana kunna  
min ye sariyasosola ye; min ye  
forobanafolo sonya: min ye

forobacakédaw ci; min ye yuruguyurugu kolokolo jamana kono;  
min ye somogoya ke a taabolo ye jamana forobafenw na; an jera ka  
wara faga min y'o golo biri a yere la ka na an bagabaga n'o ye; min ye  
jamana janfa k'a feere a juguw ma; min ye faantanw halala ke a ta ye;  
min mako te jamana kalanko la; min hamí te denmisénw ka baarako ye;  
min hamí te cikelaw yiriwalí ye; min te

Iakana sabati; musow ka sègen furakeli te min hami ye; jamana baarakelaw te jate la min bolo, sanko lakòlikaramogow; ani min ka taabolo ye nkalontigè, namara, denjuguya, tònóni, farafarali ani kafiriya ye.  
Peresidan fasoden numan, jamanadenw mako b'o de la bi. Peresidan fasoden jugudogolen, Ala k'an kisi k'an tanga o ma.

Mahamadu Kanta

# Ofisidinizeri y'a ka san 2013 / 2014 sene kanpani boloda

Sene minisiriso sekeretari zenerali Mamadu Npare Kulubali ye Ofisidinizeri ka san 2013 / 2014 sene kanpani dabane foso ke Lounon, sibiridon zuwenkalo tile 29 san 2013. Senekejekulu bee ka ciden tun be kene kan ka fara u bilasiralikelaw kan; n'o ye Gindakoliuenye.

San 2013 / 2014 sene kanpanji na, Ofisidinizeri jigi be malokaama t̄oni 737.465 s̄oroli kan. Samiyefesene ni tilemafesene s̄orow b'o la. Nakolafen t̄oni 337.307, kaba t̄oni 5.453 ani komiteri t̄oni 24.500. A jigi be ninnu s̄oroli kan foro 62.438 k̄ono, dugu 339 na. Olu senekejama mume be se mogo 482.301 ma Masina, L̄oncon ani Segu s̄erskiliw k̄ono. Nin s̄enskela ninnu bilasirabaa ye mogo 335 ye. Ofisidinizeri nemogoba Amadu Boyi

Kulubaliy'a jira ko góferenamanbena  
sefawari 4.588.160.000 min di  
angeresongo ni kabasisongo na, o  
joyoro ka bon kosebe kanpanji in kono.  
Jibolisiraw labenni donibe senekelaw,  
Ofisidinizeriani goferenamankun; n'o  
ye sefawari 3.461.152.917 ye.  
Jibolisiraba labenni musaka ye  
sefawari 633.008.000 ye. Jibolisira  
mankaw n'o ye bolofaraw ye, olu  
labenni musaka ye sefawari  
1.724.141.800 ye. Jibolisira misenw  
n'o ye forokonotaw ye, olu labenni  
musaka ye sefawari 1.104.003.117  
ye. Amadu Boyi Kulubali ka fo la, san  
2012/2013 sené kanpanji na.  
Ofisidinizeri jigi tun be soro hake min  
kan, kemesarada la a temena o kan ni  
6 ye.' **Amagire Oghbara Dolo**

## Zuluyekalo farikolojenajé kunnafoniw

- Faransi ye zinoriw ka kupudimoni ta :

Dine ntolatanna minnu te san 20 bo, olu ka kupudimoni tun be sen na Turuki jamana kan. kupu in tara Faransi fe sibiridon zuluyekalo 13 san 2013. Faransi ni Uruge jamana de tun ye jogon soro; sanga 90 labanna 0 ni 0 la. Penalitiduurutan senfe, Faransi ye kuru 4 don, Uruge ma fosi soro ni 1 ts. Faransi jokolosila sera ka penaliti 2 bali ka don. Faransi ntolatan sannayelenna, ka da a kan ntolatan körbalenw ye kupudimoni ta san 1998. Fitinin minnu te san 17 bo, olu y'a ta san 2001. Linan, u ka ntolatanna minnu si te san 20 bo, olu fana y'u togolakupudimoni ta.

- Bamako musontolatan : Ton min ye nanaya ta musontola la Bamako, o kera «AS» Mande musomanninwye. U sera Bamako musontolatanton nana bee la. Ereyali, Sorodasiw ka ton ani komini 5nan Amazoni. Jumadon zuluyekalo tile 12san2013,

«AS» Mande musomanninw ye Ereyali musomanninw gosi 8 ni 1. AS Mande kera folo ye sanpiyon na ni kuru 9 ye, ka Ereyali tugu ale la ni kuru 6 ye.

- Handibali nana kera sorodasiw ye: Farakolojenajé min be wele handibali, o nana tara sorodasiw fe cekunda ani musokunda karidon zuluyekalo tile 7 san 2013. A kera Yiriwajo farikolojenajékeyoro la. A nemogoya tun be jamana farikolojenajéko nemogo Daramani Kulubali bolo. Tijani Lanbelé tun b'a kene kan, oye Mali Olénpikiko nemogo dankan ye ani handibali nemogoba Zenerali Sumana Kuyate. Musokunda, sorodasimusow sera Misabugu musomanninw na finali la ni 19 ni 8 ye. Cekunda, sorodasicew sera komini 2nan cew la finali la ni 27 ni 15 ye.

- Sitadi Maliyen wasara ntolatanko la san2013kono: Akera Malijnana ye

n'oyesaniyonye, kabini zuwenkalo tile 17, ka tila ka kupudimali siye 53nan ta Joliba nekoro alamisadon zuluyekalo 11 san 2013. O kofe, ntolatanton minnu ye Mali joyoro fa Afiriki kupuw la, olu bee bora fo ale kelen. Halibi, ale be ka Mali joyoro fa kupu kafu kene kan.

- Ben sabatili negesaboliba kera Bamako :

Nintunye negesoboliton insine 4nan ye. A kera sibiridon zuluyekalo tile 6 san 2013 Bamako yan, yeremahoronya keneba kan Wolofobugu. A nemogoya tun be Mali negesobolifederason nemogo Amadu Togola bolo. Kulu caman ye negesoboli in ke : musomannin ni cemannin minnu si te teme san 15 kan, kadew minnu si te teme san 17 kan, ani kamalenkorow. Kamalenkorow ye kilometre 64 boli Bamako kono. Jaabiw file nin ye : Kamalenkorow ka negesoboli la, Suleymani Jara kera folo ye. A ye kilometre 64 boli lere 1 ani sanga 7 kono. Musomanninw ta la, Jeneba Sanogo ye bee dan. Cemanninw ka nana kera Adama Marikoye. Donbolo kera sebaa ninnu bee ye.

- Mali ye Lagine gosi 3 ni 1 san ntolatankunfolowla: Okera sibiridon zuluyekalo tile 6 san 2013, Modibo Keyita togolafarikolojenajékeyoro la. Mali ka biwdonbaawfile: Musa Koné, sanga 23nan na, Mamadu Dunbiya, sanga 70nan na ani Idirisa Nama Layiko Tarawele sanga 75nan na.

Lagine ka bi 1 donna penaliti la sanga 90nan na Sanbigu Bangura fe.

- Atletismu kupu n'a jogondan kera Bamako: Mali bolikelaw n'a pannikelaw an'a tow ye jogon soro karidon zuluyekalo tile 7 san 2013, Modibo

Keyita togolafarikolojenajékeyoro la. Ton 17 tun b'a kene kan : Kayi Sigi, Segu Biton, Tumutu Elifaruku, Gavo Soni, Kadali Atarikulou, Moti Debo, Kulukoro Nanan, ka fara Bamako tonw kan. Jogondanw kera farikolojenajé suguya 18 na : Cew ta kera 9 ye ka musow fana ta ke 9 ye. Lenajew laban na, sorodasiw wulila k'u jo ni joyoro folo ye ni kuru 925 ye. Sitadi Maliyen kera 2nan ye ni kuru 808 ye. Nintunye nena jeba in siye 32nan ye. San farikolojenajelaw doron de ma ye kene kan. O kofe, se ma soro farikolojenajew senfe, minnutemena se koro kan. Mali se koro si ma se ka bin.

- Karate jogondanba zoni 2nan togo la : Zoni 2nan karatekelaw, kadew, zinoriw ani Esipuwariw, olu ye jogon soro zuwenkalo tile 26 san 2013, Senegali faaba la Karate la. Jamana 5 tun b'a kene kan. Senegali, Mali, Moritani, Kapuverdi ani Cadi. Mali wulila k'a jo ni medayi warijelama 3 ani dejenama 2. Mali karateko nemogoba Metiri Adama Mariko y'a ka nisondiya jira o la. Bubakari Cero Denba Kulubali

Laji M. Jaabi  
Lasina Jara  
Mahamadu Konta

## Jalatigela koro Duga Danbelé fatura

Duga Danbelé fatura alamisadon zuluyekalo tile 11 san 2013 bana cunnen sente. Ale tun ye sennantolatan jalatigelaw do ye. Waatiw temena, ale de kora sababu ye ka joyoroba di Malijalatigelawma dines fan bee fe. Jalatigela ka kani ka bo sira o sira fe walasa a ibe faamuyaba soro. Duga Danbelé bora obse fe. Bamako faabanta tolataitonw, ligi ntolatantonw ka itara Mali ka ntolatanw yere ikam, za ye min ibee jalatigeba rawke. Afirikintolataitonw ka kupuw, Kani zani kupudimoni nebilantolataitonw fana jalatigebaaya kera afe.

Ntolatannaw zani ntolattan kanubaaw ye Duga Danbelé ijoyoro don kosebe san 1997 waatifa. Okera a bolo bolel baara la ka sababu koro ye. Hali o la ntolatannan mafbaaloo Bamako koro. A tunbettaa asigilku laje. Duga Danbelé ttum yee lakolikaramogo fflama yee. Dugumakalanso do yere nemogotum den. Kunnafoniw y'a jjira kko alamisadon zuluyekalo tile 111 ssan



Duga Danbelé

2013, Duga Danbelé tunbe taben na Kabiltaa Joliba ni Sitadi Maliyen laje kupudimali intolatannw ma. Nkassaya mian geten ffo dtonsebaliya. Saya cunna zikanodon keten yere la k'a ssomogow na kanubaaw bila penafin ma.

Sotomani Bobo Tunkara  
Dokala Yusufu Jara

Kibaru, kunnafoni jingine !

# Sitadi Maliyen ye kupudimali siñe 53nan ta



Jönkunda Tarawele ye kupu don Sitadi Maliyen ntolatannaw nemogo bolo

Sitadi Maliyen ye kupudimali siñe 53nan ta. A ye Joliba gosi 1 ni 0 alamisadon Modibo Keyita togolantolatankene na. Bi kelen in donna Mamadu Kulubali fe sanga 12nan na. O kelen ka balon porokotolen do soro Joliba kofemogo

Sayiduba Njai no na. A ye ntola in susu, jokolosila Seki Abudu Kadiri ma fosi ye. O bi in donnen ye Sitadi hakili sigira. Atun bëna bi filanan don o no goni bës la sanga 18nan na Mamadu Kulubali kelen in fe. Jatemine na ntolatansanga 45 folbla,

Sitadi Maliyen tun be Joliba kan koëbe, hali n'a ma se ka bi wëre don ka fara fôlo kan bilen. Joliba yere tun te se ka yelen ni ntola ye Sitadi ka jo fan fe. Nka o ka ntolatanna Mamadu Sidibe ye ntola fila tan n'a kunkolo ye; o bës panna jo kunna. Uma Sitadi jokolosila Sumayila Jakite bo a cogo la. Fôlo kera sanga 28nan na, filanan kera sanga 43nan na.

Segennañje bannen, Joliba ye Mahamani Sise yelen. O ye ni kura fiye u la. Ntolatan to tolen sanga 15 nogonna ye, u ye Sitadi jokolosila bagabagalikocamanke. Ginbalà Ule Tunkara ta kera sanga 75nan waati la. Sumayila Jakite y'o miné. O y'a soro Suleyimani Danbelé ye do tan Joliba jokolosila kun, o y'i seri o nofe k'o labo dogodogonin (korineri) na sanga 70nan waati la.

Bicamanjera segennañje bolen kofe, ka kariton 10 nogonna fana jira. Kariton bilenmanyere jirala Joliba ntolatanna Isa Mohamedi Tarawele la k'ogen ka bo kene na. Sabula a tun ye kariton neremuguman 2 soro kaban sanga 82nan na.

Kabini o genni in kera baara bës geleyara Joliba bolo; a kera kunnadiya ye n'o te bi filanan tun bëna don a la sanga 85nan na Abudulayi Sisoko fe. Lamini Jawara fana ye bi kelen je sanga 90nan dafalen fo ka 1 yelen o kan.

An b'aw ladonniya ko kupudimali min kera san 2009, Joliba ye Sitadi gosi 1 ni 0 k'o kupu ta; o y'a soro a kera Mali ntolatanton nana fana ye. Zanwuye Abuta de y'o bi don sanga 90nan dafalen ka 4 yelen o kan. Tuma min na jalatigela Usumani Sidibe ye ntolatan kunceli file fiye nege kanje 18nan temenennisanga 25ye, Sitadi Maliyen kanubaaw y'u seri kene na u nisondiyalenba.

U tun b'a la k'a fo «dubile», «dubile». O koro ye ko Sitadi kera Mali ntolatanton nana ye ka laban ka kupudimali ta. O ye koba fila ye. O kofe furancelafanga jamanakuntigi Jönkunda Tarawele ye kupu don Sitadi Maliyen ntolatannaw nemogo Sumayila Jakite bolo.

**Solomani Bobo Tunkara  
Dokala Yusufu Jara**

## Samataségew degelikaramogo koro Mori Goyita fatura

Ntolatanton Joliba ani Samataségew degelikaramogo koro Mori Goyita fatura a ka so Banankabugu-Sema na Bamako bana kuntaala jansenfe k'a si hake to san 59 na, zuluyekalo tile 16 san 2013. A bangera keneba san 1954 desanburukalo tile 11.

Kupu Kabarali min ntolatanw kera Ganbi san 1997 ni Mali y'o ta, Mori Goyita de tun y'o ntolatannaw degelikaramogo ye. Mogo don miny'a si tilance bës ke ntolatanko la. A y'a ka degelikaramogoya baarawdamins Bamako komini filanan ntolatanton na, ka soro ka ke Joliba degelikaramogo ye san 1991. Nanjanintolatanminy'a soro okunna san 1991/1992, Joliba kera ntolatanton nana ye.

San fila o kofe Mori Goyita bilala zinoriw kunna; olu kera joyço naaninanye Afiriki nananinikené kan san 1994. O kofe a bilala Kadew kunna san 1995; ka «Esiuwari» degelikaramogoya fana ke yanni à ka bila Samataségew kunna. N'u ye Senegali gosi 1 ni 0 ka kupu Kabarali ta san 1997.

Mori Goyita kera degelikaramogo filanan ye, min ye kupu iadon Mali kono. A fôlo kera Kijan Jalo ye. Ale



**Mori Goyita**

fana ye kupu Karali ta. O ntolatanw kera Bamako san 1989.

Mori Goyita tun ye Modibo Keyita tögolafrikoloñenajekyero, ani wenisi marisi farikolonenajekyero (DTN) nemogo fana tun don. Mogo be se k'a fo, ko Mali ntolatanton fen o fen ye Afiriki kupuwanjo ke, Mori Goyita ka deme sera a bës ma.

Kabini san 2011 bana do y'a miné a ma se k'a yere bo o bolo. Mori Goyita taara a da ka muso kelen ni den 6 to a k'o ani ka nenañfina bila a kanubaa caman na.

**Solomani B. Tunkara  
Dokala Yusufu Jara**

## Mali ye se soro ka taa «Sani» 2014 na

Mali ntolatannaw ye se soro ka taa Sani(Chan) na Afirikidisi. Ntolatanna minnu ma deli ka taa ntola tan jamana wëre ntolatanton fe olu ka kupu de ye Sani ye. A be fo a ma fana Afiriki sanpiyonna. O ntolatanw bëna ke san 2014 kono.

Mali ntolatannaw ka kapiteni Sumayila Jakite n'a tønogonw gosira Lagine ntolatanton Sili fe Konakiri 1 ni 0 karidon zuluyekalo tile 28 san 2013, kasoro dögöken fila yanni Konakiri ntolatan ce, Mali ye Lagine gosi 3 ni 1 Modibo Keyita togolantolatankene na Bamako.

Konakiri ntolatan don na, Sili kanubaaw sëbekoro bora ka taa u ka ntolatankene fa tewu yanni ka ntolatan damine walasa k'u ka ntolatannaw senkörömadon.

A kera ntolatan gelenba ye Mali ntolatannaw n'u kanubaaw bolo yen. Hali Maliden minnu be Lagine n'u ma taa ntolatankene na n'u tun b'a la ka ntolatan in laje tele la u jorelenba tun don.

**Laji. M. Jabi  
Dokala Yusufu Jara**



**Ntolatannaw  
be k'u ka  
se soro  
nisondiya  
jira**

## SAN 2013 ZULUYEKALO KIBARU KONKO

- n° 2 : Keleda kunnafoniw
- n° 3 : Sutura birifini wulila ka bo depite dow kan
- n° 4 : Batakiw
- n° 5 : Kalankene N°132nan : Dugu hadamadenya temesiraw : fôlo bolokoli kecogo Kaaba

Dukene 107nan : Koperatifuko sariyaw Mali kono (9) :  
Koperatifu ka farajogonkan n'a cili

Maakorobaro : Cebilen

- n° 6 : Ofisidinizeri y'a ka san 2013 / 2014 sene kanpani boloda
- n° 7 : Zuluyekalo farikolonenaje kunnafoniw